

紫峴山人全集

紫峴山人詩集卷十二

湘潭張九鉞度西著

姪孫 宋棧 重刊

羊城訪古詩

訪古詩四十餘首皆羊城紀遊之作先生立爲一卷收湘門先生詩於素觴齋中極其精緻今無存道光癸卯家棧過羊城湘門甥同年金覲山員外爲余言之因徧求原本不可得

禺山

番山在廣州府學前禺山在其西一里今悉爲民居黃帝二子大禺仲陽居此後隱中宿峽

黃帝之庶子曰大禺仲陽又聞其曾孫番禺居南方山以帝子名培塿而穹蒼眾山皆宮之粵會成雄驪帝子中宿去二禺峯相望微聞阮俞徑協律吹鳳凰松花落春風流下炎洲香我登九思亭絃歌聲琅琅粵華啓文明休憶樊桐鄉

五羊城

楚威王開楚庭築城有五仙人騎五色羊執穗降因以  
五羊名城後建五仙觀於坡山上有巨人册跡及汪廣  
洋鑄禁鐘

朝登五羊城暮倚五仙門五仙已辭楚庭去坡山化石羊猶存海  
濱洞兮山恹恹蒲鯨杻鎖靈鼉愁白雲不去亦不聞刺桐朱槿交  
颺颺竄蒼颺兮號鶻鵂昨宵壇中擊大鼓雷霆行天從以雨稻花  
灑作萬古飛五色炎州盡香土羊兮蹴踏角戢戢翠汗淋漓壁荷  
濕蜺旌虎旆紛葳蕤若有人兮揮肱立蒲葉浮潮杏花赤仙不見  
兮見册跡我有粢盛黍與稷越巫婆娑雜笙笛爾羊來思飽飲食  
熊商高固渺何時山川恂悅移于斯星精嶽帝降者誰吾欲叱羊  
一問之

任囂城

城在城東南隅爲舊番禺縣治其墓聞在光孝寺前  
十武今爲民居不可考

任尉經營何壯哉禹山會此關蒿萊坐觀豪傑中原變早制蠻獫  
大郡開絕道長畱興霸計被書獨召出羣才可憐建德園荒盡  
古無人表墓臺

越王臺

自白雲山連岡入城爲粵秀山臺舊在山頂今萬善寺  
卽其故址

白雲蒼莽乘長風高臺雲斷青濛濛荒煙下瞰南武宮撞鐘伐鼓  
天海空中原一氣無沙蟲木棉排城烽火雄陀王魂魄朝霞中指  
揮萬里旌旗紅入關豪傑誰山東拒番君尊陸賈坐叱諸州拜臺

下不有三關絕道才升高望遠何爲者

歌舞岡

岡舊在越臺左南漢易名曰呼鸞道

越王城頭烏欲栖越王臺上鷓鴣啼越宮三月如花女隊隊岡前  
作歌舞松響猶思玉管飛青山似學娥眉嫵中原逐鹿苦不早天  
命有歸藩服保浮花避暑豈荒淫文錦蒲桃更鮮好婦人醇酒古  
英雄一方聲色聊娛老神簫社鼓絲羅衣千秋樂此應來歸呼鸞  
道上無人問曼壽瓊仙欲怨誰

玉龍泉

泉在粵秀山下又名越臺井越王所鑿相傳地穴通石  
門越王浮杯于此在石門澗浮出

玉龍銜海出漢月至今涼十萬羊城宅春煙碧乳香曾聞有地穴

潛湧石門鄉，徑欲飛花去。浮杯問越王，

鮑姑井

井在越臺前，葛洪妻鮑姑洗藥處。今湮。

幾幾越臺傍，云是鮑姑井。鮑姑洗藥處，照見雙鬢影。南來勾漏令，海上求丹砂。丹砂尚未就，得婦顏如花。婦翁仙太守，來往一飛燕。朝看井欄花，暮與羅浮見。君騎烏犢牛，妾荷金鵝鋤。君聽搗藥禽，妾汲丹蟾蜍。昨宵跨玉鸞，來返舊井宅。風吹五色裙，化作彩蝴蝶。行人不見井，猶聞仙艾香。遙望遺履軒，桃花水徜徉。

虞苑

光孝寺吳功曹虞翻居此讀書，因名虞苑。舊爲南越王

建德園

風吹訶子林，林裏讀書音。虞苑卽今在，吳宮何處尋。千秋有弔客，

當世無知心何況荒園跡躊躇蔓草深

### 達摩井

光孝寺中

震旦爲誰來菩提舊已栽渡江一葦去面壁九年回香海潮通井荒碑字蝕苔風旛知大意不必問經臺

### 菩提壇

壇在達摩井傍晉三藏師建壇西僧智藥種菩提樹六祖慧能祝髮樹下有髮塔又傳唐相房融譯經于此

獨有瑠璃幹蒼茫劫火中曹王千乳潤盧祖一花紅海色團團日天音細細風好憑紗作紙譯字學房融

### 六榕寺

卽梁大莊嚴寺有舍利塔中有銅劍寶珠鎮之今名花

塔蘇長公題額曰六榕額尙懸寺門

花塔蕭梁舊離宮劉漢餘天青盤鵲上海白破鐘初聞乞闍黎飯  
來看坡老書都將珠劍色一掃付空虛

南漢金塗鐵塔

塔在光孝寺中南漢主劉鋹所鑄有塔銘今以殿覆之  
風燒二十七州鐵鑄出模糊萬民血眼中突兀大莊嚴劍樹刀山  
慘未歇黃金佞佛佛不喜柱國教師俄化鬼天龍吸起達摩泉一  
洗蓮花散秋水崩竇薙草首法性震旦傳依祖庭盛雲空訶子不  
飛來荒淫污此菩提境老僧坐愛黃匡匝邀客但觀南漢塔白頭  
掃石再題詩榕雨無聲山颯颯余曩遊羊城賦  
金塗塔長歌

拱北樓

藩司署前唐建名清海樓宋改此相傳藩署爲南越舊



宮樓址其闕門故俗名雙門底

高樓嶮岼拱神京雲彩參差散兩城海擁星辰規外見天浮日月  
地中行雙門誰記陀王制八柱猶題宋代名一自承平蓮漏永潮  
雞不用聽三更

懷聖寺光塔

塔在城中唐時番人建寺與塔禮拜夜半登以候風信  
頂有金雞爲颶風掣去

雷公手削旛竿直青玉沈沈二百尺金雞掣去愁歸來萬劫颶輪  
轉不得當時海獠十七家綠睛鬚髮聲咿啞升高膜拜叫夜半絕  
島已擲丹蝦蟆太平市舶番長領教主何勞禮絕頂惟有潮音送  
月來空庭老樹蒲盧影

藥洲

舊云城內有西湖芝蘭湖洲在湖中劉漢鰲江南奇石  
起別殿名曰瓊島以居方士中有九曜石最奇峭湖今  
涸爲市廛石存學使署中

蓮湖西湧蘭湖中有藥洲長十里劉王於此望神仙樓臺直與  
蓬瀛連星冠羽帔下瓊島手提不死之芳草劉王含笑催進丹選  
石更肖青瑤壇奇峯峭刻不知處似通二華三茅路美人謂從丹  
霄來爭擎獻壽珠子杯一刀圭藥千夫命猶恨江南石未罄劉王  
北去湖亦涸石散民間作刃鋸嗚呼艮嶽花石綱此洲亦與關興  
亡一拳煙雨散不得夕陽付與題詩客君不見九曜石

鎮海樓

卽五層樓明征南侯朱亮祖建

繫不斷馬鞍岡鏟不盡靈鼇石壯哉騰空翹翼之危樓直壓坤維

踞山脊黃氛紫氣掃不起白雲插海蛟鯨死風雨前磨五百年雷  
霆鞭撻九萬里方今樓前皆列營大旗肅肅角無聲奚官白髮看  
調馬仕女紅粧來踏青朝望五層樓暮望五層樓方壺蓬島作快  
遊令人不憶征南侯

### 雁翅城

卽廣州城外邾宋陳峴因漢唐之舊更拓之名曰雁翅城

海上嚴城舊越都更增雁翅展重郭誰其築者陳經略我所思兮  
陸大夫香島珠濠通舶市滄雲微日畫番馬炮臺一望旌旗繞控  
制炎荒此壯圖

### 越華樓

樓在珠江岸今五仙門一帶故址不可考南越建此以

居陸賈又名越華館志云在戩船澳非

大夫來越人驚龍章虎節銜書生蠻王跪拜雙蜺旌大夫歸越人  
喜鮫魚賁報漢天子南中自茲有山水大夫重來越築樓黃金堆  
滿珊瑚洲包山錦繡連羅浮樓名堯兮越有華朝蒸固罔雲暮散  
珠江花可憐長纓繫不得封節終童血流碧

大忠祠

清水濠上

炎風嘯海精衛哭一代君臣葬魚腹黃冠柴市血南飛同作丹虹  
珠海曲牡蠣緣潮蚌走苔榕枝交鬱祠崔嵬大書丞相與樞密至  
今過者猶徘徊南溟不種冬青樹杜宇啼來復啼去茫茫十四萬  
男兒欲奠椒漿竟何處蟲沙猿鶴那足悲乾坤正氣畱綱維豎薤  
蕭蕭尚滿地高歌如意碎者誰君不見慈元殿前白虎墳海濱又

鑄金夫人

南園詩社

在大忠祠內明初孫典籍黃黃別駕哲王給事佐李教諭德趙贈君介結詩社處

碧草南園路青山滿海城我來明月夜獨聽落潮聲五子初唐格流風萬古情羅浮赤鳳羽翹首下蓬瀛

朝天臺

水經注朝天臺在廣州城北三十里卽今席帽山北高岫舊以越王臺當之固非志云在城西尤非

蠻夷大長老佗手築朝臺翠鬱哉藩服冠裳天日月英雄魂魄漢山河子孫富貴誰時保霸業銷殘自古多獨有五雲飛不散南荒猶與照巖阿

安期祠

白雲山頂上

安期千歲翁久與鴻濛伍胡爲見祖龍又復干項楚一揮赤烏書  
飄然可遐舉迺令蓬海賁風幻三山阻從此驅鯨鯢五百童男女  
徐市固荒唐此翁亦戲語九龍銜紅泉白日闕洞府松子自落風  
棗花尙垂雨跨蛇朝玉京果否少君侶已無鶴舒臺何況阜鄉宇  
白雲無心物起滅太虛所遐哉魯仲連一去竟萬古

菖蒲澗

澗在白雲山下安期生餌菖蒲冲舉於此今爲蒲澗寺  
爲問玉京子何峯可作家依然流菊磻會否發蒲花白石九龍乳  
神樓一七砂獨依貝多樹無語對楞伽

濂泉寺

寺在蒲澗上濂泉下

東風先春來吹下紅梅驛驛更不知春騎羊問消息卻尋濂泉寺  
出郭飽山色攀緣絳絳水想像種蒲宅暖雪不散鐘新霞盡橫石  
泉香與花意搖曳海天碧桃花凍已收鶯聲漸可識今日不成醉  
明日花足惜甘泉宮荒蕪紅雲宴蕭瑟徒見麟辟邪包山作窀穸  
欲彈雍門琴愧彼驂鸞客如何張喬墳笙歌日堆積

吳隱士墓

墓在白雲山下漢隱士吳正葬此

種松以直伐種蘭以香鋤不如榕拳腫長蔭十畝餘漢衰自熹平  
母后挾幼儲外戚與中璫疊起相翦屠禍基大長秋炎社成邱墟  
卓哉吳伯和觀象先憂虞一辭公府辟長耕海上廬禮讓化露淩  
經訓爲菑畚生死南陽友愧彼翻覆徒自古海水南有此明月珠

鴻冥恥羽儀。龍德潛用初。清風激末代。乃生郭與徐。遺墓白雲隈。其上多樵蘇。世無袁彥伯。誰知表其閭。

浮邱

浮邱在城西太平門外山。今爲平陸。向有紫煙樓。挹袖軒。皆無存。聞天游精舍是其故地。傳有地道與羅浮朱明洞通。故有羅浮肘腋之稱。

吾欲登黃山。彩虹迢迢不可攀。吾欲謁嵩室。金鷲藥歇三花寂。昨夢浮邱公。迺在羅浮之西。珠海東。白雲卷。海海洗風。青天片石浮鴻濛。巢開翠玉三壺中。中有一翁。顏色頽綠。瞳錦舌。眉紫清。疑引王子晉。夜半吹瑤笙。又疑呼安期。秉笏朝玉京。紅泉灑地穿仙穴。忽如肘腋騰丹闕。桃花一萬八千丈。明霞亂簪玉女髮。青童招手靈雀來。便可直踏鐵橋鐵。挹袖軒。紫煙樓。何人作舍名天遊。丹砂



老去不可求也須睎髮淩滄洲安能縋腰束臂事公侯坐拋歲月  
如蜉蝣長松白石蒼苔津鶴去緱山隔幾春花農花發不歸去參  
差笑殺黃野人

石門

城西北二十里南越呂嘉阻險以拒漢師楊僕破石門  
卽此舊爲南越王避暑處

樓船將軍夜擊鼓地下陀王淚如雨石門古洞雙岩巽不見杯前  
落花舞斜日神鷺收白潭西風飢鵠啄黃土陶人遺甌燒爲灰野  
老荒臺坐避暑天生豔煽招鳩媒桂林象郡飛陰霾六師力斬鯨  
波摧區區阻險眞可哀萬人之城安在哉

靈洲

羊城西三十里鬱水中上有寶陀寺又名小金山東坡

先生過此題曰妙高臺

天迥石無依樓臺拍水飛九州靈不盡三島路應  
梯星燦湧燈亂山遙獵火微懸知妙高月猶照老仙歸

貪泉

泉在石門澗晉刺史吳隱之題詩處

刺史交州按部年貪泉首酌興蕭然可憐蘆荻漫天後不復題詩  
過此泉

半塘

自太平門以西至海口皆半塘地南漢苑園宮殿皆在  
其上爲粵中最繁華地汴京人號曰煙月作坊

廣州城西古半塘前臨珠海後臺岡芳華別苑南薰堂透迤窗窻  
不見陽爛霞燠日不可望紫雲閣插月峽蒼巨象戰艦水嬉張龍

舟彩女繡旆颺綠絲綽綽象牙檣妖僧璫璃絡殿房浮圖裏蹏蹏  
瑟裝尙書侍中盧黃梁西飛迷雀東雌凰組織煙月爲作坊長濠  
夾轂紅樓倡門前駿馬繫佛桑安豐頂帽繡襦襜犀簾銀鴨甲剪  
芳火齊垂釵耳秦璫冰蠶襦暖鮫綃涼搖情煽豔簫與簪粉巾裛  
汗雞舌香燈船燒海波膩光燭龍衙衙成行鬪擲十萬纏頭箱  
明河愁曙樂未央城南有女織流黃織爲三十六鴛鴦感君欲以  
寄遠方小牕燈影啼寒蛩含情不語空斷腸

未暗用南漢時  
周渭妻莫荃事

### 大通寺

寺在大通沿達岸禪師道場南漢時名寶光寺宋政和  
中賜今名傳寺爲南漢璫捨宅拓地建

花地無聊送客頻一天煙雨又殘春且尋南漢通潮寺休問東隣  
捨宅人境過劫灰惟佛大吏當閒日與山親白鷺潭上松千樹有

興還來共問津

荔枝灣

今花城大通沿一帶劉漢建昌華苑於上長五十里

斜陽欲沒荔枝樹千門萬戶隨潮去珠江瀰瀰珠浦深不記昌華  
苑中路紅棉墮地鴉掠飛草間蝴蝶銜花稀春風吹透銀塘影照  
見盧黃女侍衣木魚歌起聲斷續搖入龍津橋下宿水田繞盡安  
瀾門猶唱紅雲冥時曲

海珠石

石在珠江中上有寺名慈度後易以海珠珠江中多石  
潮落乃見舊稱靈鼃石

靈鼃入海走不得誰擲一珠壓其脊木棉萬燭燒波開恍如赤龍  
銜彩瀛洲來江風濛濛打雨急又疑鮫人捧綃泣龍舟孔雀金碧

翎樓船插鼓花船箏又如丹邱絳樹懸晶熒使人恂悅殊精靈我  
聞三五中秋夕此珠吐怪爭月色洗出牟尼一寸光放開四大虛  
無宅有樓且踏中流登有酒且仰青天吸寄語浮邱老丈人爲余  
掃淨蒼苔石

楊議郎宅

宅在河南洲漢楊孚故宅孚自河南移松柏於此雪積  
其上許渾詩河畔雪飛楊子宅

萬里河南雪風吹自漢朝晚來楊子宅松柏正蕭蕭我立玉山望  
斯人不可招好尋許渾句更踏蜺江潮

花田

田在河南洲南漢劉鋹美人名素馨者居此歿因葬焉  
素馨較他處更盛彌望十餘里因名花田

芳華塢昔日紅樓翠作土。內人斜舊時粉骨蒸爲花。美人家在花  
間住。香字韶顏爲花誤。蝴蝶偏尋漢殿飛鴛鴦。不伴劉郎去。江潮  
淒迷山杳冥。四時風雨酣不醒。莫令蛩老花田曲。唱與南朝腸斷  
聽。廣州女兒豔如月。愛花盤作銀絲結。誰知萬古塚中魂。飛作三  
更頭上雪。

### 海幢寺

寺在珠江南岸昔爲郭氏園有鴈爪蘭一樹

劉王花塢跡全非。郭氏園林事已微。隔岸山蟠珠殿下。滿江鐘走  
白雲飛。何人佞佛塗金壇。幾處還家著錦衣。鴈爪蘭開殘劫後。只  
應無語對斜暉。

### 沈香浦二首

浦在珠江岸西晉吳隱之沈香處今爲鳳凰臺地

涪陽拜香尉。篤禱得學士。臣心自有香。畱以還山水。  
昨日香門開。今日采香去。不見沈香人。猶過沈香處。

僞南漢劉龔塚

在番禺縣北二十里北亭鄉。明崇正年間。土人聞雞聲。  
掘之。得金人十二寶鏡。金蠶珠貝。朽骨尙存數片。隧道。  
有盧鷹撰碑文。始知爲南漢劉龔僞陵。

十二金人夜出陵。劫風吹滅閼宮燈。誰教蜃穴藏孫子。莫聽雞聲。  
感廢興。秘墓可能師趙尉。荒碑終見闕盧鷹。珠襦甲帳皆塵土。欲。  
鉤南山恐不勝。

西樵山

山在城西六十里。唐木鄧子得道之所。上有寶泉丹井。  
明湛甘泉讀書處。

西樵七十二芙蓉，倒影羊城翠萬重。安得同攜木鄧子，直凌絕頂大科峯。雲歸洞口聞柯斧，帆過胥江落寺鐘。便乞甘泉讀書處，仙橋寶鴨也相從。

### 婆羅廟

廟在扶胥口，卽南海神廟。唐蕃使達奚司空手種婆羅樹於廟，番舶已去，遂立化廟。門像今存，所種樹久萎矣。婆羅廟裏婆羅樹，不見婆羅舊種花。惟有婆羅江上水，至今猶繞廟門斜。海開炎帝龍銜日，天捧珠函鳳吐霞。賜與階前盈尺地，使臣何必望歸槎。

### 韓昌黎南海廟碑

祝融帝子捲旗翻，駱越將軍罷鼓捫。天下水惟南海大，唐家碑剩此方尊。驅除蛟鯉扶炎極，坐看星辰列島門。綠字赤文猶彷彿，象



鞭玉簡莫須論

浴日亭

南海廟左小阜上

漣漣一亭中神雞叫曉風雲霞扶動盪天地轉鴻濛  
賜谷初燒紫瀛洲漸破紅羣山齊踴躍先照祝融宮

駱越銅鼓

鼓在南海廟中漢伏波將軍鑄以鎮蠻者號駱越鼓有  
二皆唐節度使鄭綱得之蠻中以獻神其雌者飛入海  
中今一鼓稍殺十之四迺潯州太守從潮中獲之以獻  
者

一鼓蠢菌蒼龍皮天精鬱怒蟾蜍騎波紋交織雲離離一鼓八卦  
隱嶠起土花龍蝕翠不死摩挲欲滴化香水吾聞伏波將軍製此

駱越鼓星辰焱焱光怪吐千牛八百都老皆氣沮夜深往往致雷  
雨儂智高不得藏會一本不敢攖高山嵯峨海磅礴長虹纏乳鬚  
鬚索誰移踞此殿之腳海王手打二千年雌者飛去雄鏗然天吳  
淵客走不眠徑捫潯州赤鑲出置之殿右交新鮮施以杻鎖絡連  
錢上有珠函寶冊之燦爛下有坤維地軸之鉤聯海王開宴銜火  
鴉寶燈搖搖荔子花長風一掃萬壑白滿堂肅聽金釵撾鼓初鳴  
兮扶胥口大虎騰驤小虎走鼓再震兮獅子洋馬人番長仆且僵  
日南拂蘇皆宮商文鯨應潮海水翔海水翔鼓未息請神將此鼓  
爲我  
天子懸西域不用椎牛釁血快一擊盡掃金川雪嶺歸邊冊鼓兮  
遠揚  
皇威億載無終極

題詞附錄

金陵 蔡元春 芷衫

稱說聞良友

廿載前聞施鐵如祠部盛推先生且出尊篇共讀

殷勤出綺篇才名振京

國情性寄山川隱豈南昌尉

先生曾任南昌大令

丹分勾漏仙繼范海陽示余

詩一卷高韻邁唐賢

幾夕徵予夢飛飛鳳子來果驚五色筆繪出越王臺手采西湖

藥香傳大庾梅最憐知己感虞苑弔奇才

虞苑即虞翻讀書處

城上木棉發朝霞影不分

將軍福松岩師昔曾鎮粵憶癸未歲再臨京江言及此景之勝醉心

思舊語

芻菜中有木棉排坡烽火雄句

回首憶將軍玉女窗中月丈人峯上雲

奇光紛照眼茲夕誦高文

斑竹蒼梧淚紅蘭碧杜吟靈均不可見湘水至今深一入朱明

洞孤橫白玉琴騷人千載後夫子嗣元音

先生籍隸湘潭騷人代興地也

我欲挹浮邱仙蹤隔十洲

集中有詠浮邱詩尤春所心醉得同碧香酒如上紫

煙樓黃鶴忽飛去白雲安可畱預愁他日別離合似羅浮閏二  
後將啓行  
早難爲懷

男姪

聲有普孫啓

如泰

沃

裕幹

光

字豐

校字

紫峴山人詩集卷十三

湘潭張九鉞度西著

姪孫家棧重刊

如粵集

乾隆辛卯壬辰

先生三至都門寓虎坊橋西昔時同伯死徙殆盡爲之惻然驗到後仍以知縣揀發廣東河西公需次附七月梁安人卒既返里經紀其喪壬辰春抵羊城耿湘門馮箕村仲掌文羅碩笑皆至應官之暇與諸子互酬唱著如粵集

大漲渡洞庭作

故園小住不可得南風吹我征颿疾洞庭六月天倒流送入峩眉  
九峯雪黃陵廟前釀酒香鼓聲未絕過岳陽鷓鴣斑竹啼落日七  
十二峯蒼復蒼湖魚尺半雪貫柳買魚且到洞庭口長空淼淼鐵  
笛來遙勒雲中一杯酒流行坎止理自然胡爲冒險隨長年湖光  
向夕平如練醉看紅霞待月眠

襄陽樂爲江生作

嫁得大隄郎長帆鐵鹿櫓小兒歌白紵少婦織流黃海日明開鏡  
吳花豔綴璫橫江風浪惡何不住襄陽

小河司感舊

明季覆金鏡海宇煙塵昏赤眉與銅馬熾焰空襄樊吾祖起偏裨  
從戎小河濱連營方罄食賊附若蟻屯怒揮長刀躍赴賊斫之奔  
腰環十數顛洗刀挂轅門去時酒尙熱大叫吸一樽秋風吹白波  
碧草搖朝暎事已付劫灰名猶耳目新敢云述祖德作詩貽子孫  
望大洪山遙拜楊忠烈公墓

嵐飛瀟水淨遙見大洪山日月兩宮上風雷一疏閒麒麟能食鐵  
虎豹敢當關今代馨香在應回地下顏

馬斃瘞之口占

炎風山石碎一蹶豈周防已分從人後甯甘棄道旁敝帷聊汝覆

春草爲誰長誰與千金骨燕臺價正良

次廣水晚望古三關

天下有九塞其一曰真阨遙分雍梁絡直貫淮潁脊連峯排青霄  
鬱律駭精魄卉木錯畫昏怪雲滃紫黑散爲羣川流吐吸荆豫白  
昔楚設地險北門壯申息急則憑要害大遂直轅塞梁魏爭三關  
韋虎長塹扼萑苻今不驚列戍繞咽隘斜曛一遙望莽嶂入胸臆  
除惡防萌芽頤脫豈離邊誰司保障者厝火戒無斁

武勝關曉行

卽古武陽關

雞鳴月蒼蒼羣峯出霧深殘星搖天垂關門插層陰一線開絕坂  
四壁排玉簪角聲吹無底中原煙沈沈長棧轉逶迤竹密木亦森  
溪流下鏗鏘交喧鈴鐸音秋氣浩將入蕭然發豪吟宿露送幽蘭  
迢迢不可尋



信陽州望大復山遙拜何仲默先生

重塞收煙嵐中原富雲木申國舊提封高臺入遙矚城郭秀日初  
人家散川曲馬嘶石痕淺鳥下黍田啄嵯峨大復山蒼莽接天目  
何子此挺生鍾靈自維嶽抗懷追風騷光芒謝圭角竝起得空同  
驂騑競騰逐羣兒變是非斥鷃笑鴻鵠萬古江河流日夜無斷續  
平生托嚮往瓣香近芳躅墜緒又茫茫誰人繼私淑

曉渡淮水

蒼莽不知極雞聲楚北門長淮下曉月秋氣生中原生事艱難老  
憂端歲序繁凡材祇如此驅馬復何言

臨潁

潁水清如玉來從少室陽城門開碧柳浣女出紅粧雪壓山蠶白  
風蒸餅餌香臨流不欲飲策馬過前莊

爲耿湘門致書鄭州幕中凌文學

浩

駐馬鄭州郭爲郵且置書出門望野色河氣亘長虛山削成皋坂  
天荒蕩蕩渠不知梁苑客作賦定何如

欲往原武訪婁勁節太守不果

不識鴻溝去茫茫積水環愁中信陵客馬上太行山河堰餘田種  
花村奉母還知公若鸞鶴那復到人間

太守時在原武

滎澤渡河

一葉下風雨秋隨人渡河羣山流鮪穴萬水立滎波淇竹連茭下  
宣房伐鼓多中原爭一綫使者正經過

廣武山下弔古戰場

英雄爲黃雲鬱鬱起林莽大河驅秋來洗此楚漢雨白日下戰場  
陰火聞鬼語戍旗微茫翻商飆滿禾黍龍血久銷磨誰復分虎鼠

終須笑叱咤何能計椎魯渺渺一鴻溝早哉分險阻仁暴有殊功  
賢子竟萬古徒令阮嗣宗咄咄悲廣武

訪四溟山人墓不得

康熙年間吳江計甫草先生於彰德城外訪得山人遺  
墓立碣表之余以事匆匆不能細訪聊志之

男兒世代中不合生奇才天報以冰霜使之走塵埃四溟一布衣  
李白可追陪匹馬晉陽祠短衣梁孝臺所幸百代骨嶙峋無摧頽  
雖辭清廟音肯作彈鋏哀一遇趙康王聲價重瓊玖我登韓陵山  
朔風吹蒿萊詞賦誰英雄滾滾漳河來兒戲嘉隆人壇坫爲梯媒  
救獄何光明割席毋乃猜文章有正宗顯晦那足該憐才琵琶姬  
竹枝歌徘徊安得呼君出一絃傾一杯

渡河晴望

一曲流千里，河流接杳冥。天浮關樹下，秋入海門青。底柱思神禹，仙槎問客星。陸渾花正好，吾欲叩巖扃。

望蘇門山

欲見蘇門山，風雨適朝霽。新噉况林木，羣峯馬上至。百泉九十曲，一流蒼翠豈。謂嘯臺人天高得秋意，贈我古時雲袖之。不盈袂，徵君講學處，氣節蓋天地。我欲往從之，舟楫乏松檜。行行重行行，遠近與我會。今日送涉淇，明日送過衛。後日作故人懷之入寤寐。

望蘇門山二絕

一夜風雨聲，不知百泉響。但見蘇門山，清晨來馬上。道逢一樵叟，見客不得揖。恐是嘯臺人，白雲去無跡。

湯陰謁岳鄂王祠

蕩水蕭蕭檜萬枝，鄂王殿宇捲靈旗。遺弓猶拜周同墓，碧血長鄰

嵇紹祠異代至今繁子姓六陵無地奠金卮渡河莫歎宗畱守故國英雄亦淚垂

寄金四碧峯雒陽兼柬王扶蒼明府

欲將殘酒弔英雄一夕驅車闕塞東莫學陸機長滯洛且尋李白更游嵩文章虎鼠蹤何定意氣雲龍感未窮自有主人能唱答不妨高臥學盧仝

韓陵山

一片韓陵石吾思賀六渾長河猶雪怒猛士昔雲屯乘勢能圖霸誅心豈負恩春秋無義戰末季那須論

渡漳河望鄴宮故址

岸斷漳河出秋銜銅雀來故宮惟見樹落日罷登臺詞賦黃初手君臣曠代才風騷尋墜緒驅馬重徘徊

回車巷

叱座推秦帝回車避上卿豈徒兼智勇直欲讓功名秋草邯鄲路  
英風落日生休誇完璧事國不重連城

廉頗墓

異代思良將千秋有舊岑山圍洛水曲雲接壽春陰勇氣諸侯望  
餘年故國心興亡關趙祀莫怨郭開金

邯鄲題壁

叢臺歌舞草芊芊第宅平原亦黯然六國安危憑客力一生肝膽  
得誰憐何當絲繡成公子只欲黃金鑄魯連歎息信陵門下士幾  
曾珠履鬪三千

曾原本作層

曉行順德城外

嚴城未啓門殘月在高樹垂楊涼欲風禾黍宿多露火生孤店起

天帶一星曙正憶山中眠白雲不知處

題真定城外店壁

馬上南風吹薄沙蕭蕭楊柳未藏鴉太行到海青千里秋水穿城  
白萬家豈有隄渠思鄭國更誰蹤跡問侯芭謂同年梁鼎亭好沽邨店中  
山酒醉臥簷陰看日斜

涿州感舊

督亢陂北接渾河倚酒曾聽挾瑟歌白髮相逢燕市盡青山依舊  
國門多長橋亂水浮鳬雁沙路秋風散駱駝袴絆黃皮腰帶劒五  
陵年少欲如何

渡滹沱宿真定

落日走滹沱黃雲大鹵波天風吹雁急秋色老關多玉腕中山酒  
琵琶鉅鹿歌幽州舊爲客兩鬢有霜何

余游京師前後十載蹤跡多在西城今秋赴銓重尋舊侶  
死徙殆盡立馬愴然不待聞山陽笛聲也賦此

猶是銅街路西風聞暮鴉認門知舊樹下馬問誰家白髮驚心短  
青帛怪客賒惟餘御溝水瀾瀾瀉槐花

家君需次都門余奉檄之粵東

不敢言離別

君恩各報難語牽朋輩亂淚掩老親看湘雁啼春遠官鴉送客寒  
人生幾骨肉無計話團圓

赴嶺南早發彰義門外

城上烏啼鼓未停月明殘雪滿郊坰直從北極看南極休問長亭  
更短亭萬里江湖催夢白一春煙草近家青蕭條莫訝盧溝柳三  
十年來幾度經



琉璃河題壁

斜陽聖水半流澌。橋路清冷不作泥。青笠紅瓊一行客。詩囊藥裹又提攜。寒沙入柳聞鴉語。殘雪看山信馬蹄。回首觚稜休易別。數峯猶在國門西。

巨馬感舊

昔日追隨游俠郎。短衣射獵西山岡。寒風枯艸餓鴟叫。落日長河鮮鯉香。醉倚胡姬絃拉雜。詩題野店天青蒼。而今不見高陽侶。獨凭闌干看雁行。

訪李望都敏夫不值

別子青山短簿祠。十年放浪欲何之。未成夢澤撈蝦侶。且逐并州食雁兒。枯澗薄冰行客路。空林黃葉曉愁時。如今各逐風塵去。未必相逢話夙期。

家祇注敏夫雲夢人與先生交最篤時官望都令

### 宿涑水

#### 暮至方大仰齋宅夜飲達旦

數里入山色隔河聞讀書爲家在雲水奉母有樵漁勿墮五陵習

休言三聘廬

霍處士三聘廬在大房山下

功名年少事作賦待吹噓

#### 宿良鄉感舊令李殷相同年

聞君客死在燕垆旅骨何由返洞庭曾急友朋情慷慨誰知妻子計飄零重過野店憐殘笛愁視渾河散曉星舊邑魂遊今在否西州有詠不堪聽

#### 良鄉城樓讌集分韻得三肴草長歌呈李麓堂明府並梁

#### 東邨潘經峯蔣鹿山

赤日倒射山房坳歸雲銜錦爭羅包化爲晚煙紫漠漠千崖萬壑

森扶交桑乾聖水浩呼洶神京一氣回星落隴西茂宰今健者清  
詩廉政塵無清堤成命吏掃雉堞平城如几羅行庖良鄉新篘黃  
鞅鞅頻婆紅帶堆香苞鄉心稍動赤鯉膾官廚頗豔黃雞炮歸鴉  
低掠瑤璃滑平田新黍鳴籍籍大哉山中伏虎客吟肩獨聳歌雄  
婉東郵蕁湖潘郎鬢毛瘦菱衣蘭珮盈香膠經峯裴祠居士騎白鹿放  
吟不使聲啁啁鹿山十年我作萬里客東騎鯨背西象羗匣中長劍  
洗江海曾次鬱怒蟠螭蛟紅塵揭來踏京洛緇衣放浪聊吟嘲同  
人于郊易所訓况復合調諧笙匏酒酣蒼茫喝月出羣螺湧起妝  
娥媼榆關居庸接指臂蒼龍突兀來盤拊今年

天子大合狩遵時講武燕朔郊此山直北作陸櫓虹旂芬麗排雲  
旂大荒如水麒麟出青蓬颯沓風颭颭騰驤七萃撼地動旂裘晚  
舞綠眼顚安得韓刀縛袴褶身從壯士提弓弣馬追飛鷹擊急電

紫雁斜落推鳴髯帳前磨盾作大賦淋漓氣欲迫歌饒明公材推  
赤縣長行圍儲侍俱芻蕘珊瑚詩鈎好收拾盛時禮樂非啗咬丈  
夫當爲黃鵠翼芥舟下視同浮泡安能學佛如賈簿蹇驢蹶躅工  
推敲又安能學赤松術石室高臥猿猱巢枝羞糜糗供養在此生  
不待靈氛茅諸公應笑狂故態吐論直等奇牙聲歌終露墮山黛  
合月鉤斜挂垂楊梢

酬文二光朝

同學皆臺省君猶守選人千場能縱博四座更畱賓塞雪交情澹  
春風道力醇移家應有具早晚下天津

保陽弔同年李太守荔裳

荔裳前令東鹿牧趙州擢保陽太守調永平

共憶生平李北海官高材大復能詩貂裘寶劍邯鄲道春酒名花

漢帝祠海內弟兄憐我在秋前書信到君遲  
督亢陂水東流去暮雪騎驢欲問誰

國士祠

已快仇衣擊誰云報未成從來稱國士不肯殉虛名  
急雪衝橋影寒河躍劍聲海中人五百枉自從田橫

李左車墓

無雙國士拜俘囚奇策山東指顧收漢業自然成一戰  
天心原不佑諸侯草荒古道狐狸窟秋老平原黍稷稠  
豈有忠誠能感格黃河繞墓避奔流

河決數次到墓即改流

題菴埠寺壁

粵游舊作因棟發粵東錄此

一道拂桑花長堤接海涯人諳江右語貨聚日南槎  
暗水橋千派腥風市萬家由來甌脫地控制重分牙

定州曉行

初日澹不出，霜濃驢背寒。冰交恒水壁，雪壓太行乾。奔走空皮骨，存亡損肺肝。潘絲凋更盡，那忍鏡中看。時余有騎省之悼

晚投晴風驛

身欲投何處，濃雲壓市低。寒鴉爭樹亂，疲馬趁槽嘶。燈影孤魂外，爭聲別院西。邨醪不成醉，坐待五更雞。

太行積雪歌，遙寄施鐵如祠部

杳冥冥，一望天西決。滂而崔嵬不知何年積，此太古雪團空凍合元冥胎。朔風一萬仞，吹裂寒門開。八陁九塞不可以極，惟有滹沱衰衰中穿來，倒翻海水湧。碣石蟠作太白金銀臺，大荒浩浩飛鳥絕。始見攫空鵬，鷗一掣龍砂迴。井陘直上參昴何崢嶸，背負大鹵吐噏蓬瀛義和鞭馭滕六爭。揚光慘澹懸營井，玉龍戰退三百萬。

訇然變怪連蜷生突如錢唐白馬潮奔騰幻如洞庭秋月連鼉城  
密如崑崙懸圃瓊樹相枝撐濶如璇宮璧府百疊張瑤屏太華白  
帝十二旒一夜秉笏朝神京前驅素虬後蜺旌焦泉丹水沍作燭  
龍挂銜珠燒破冰天晴恍乎皎兮難殫形使人對此喪魄精抗懷  
長嘯蒼莽閒夸娥一去不復還凌兢突起天下脊表裏洞融出肘  
腋跨躡誰山東經營誰河北誰塹長平道誰阻飛狐阨誰爭射犬  
青嶺破誰梗武牢上黨塞懸車東馬幾侯王重壁積璐孰踰跽雨  
雪先成集霰幾堅冰終消見覲力空聞羊腸詰屈車輪摧元猿猛  
虎嘯且哀昔之魏武帝苦寒行賦艱巍巍嶄乎崑哉太行之雪阴  
爲若茲雄母乃造化翕闢之奇功惟

皇在德掃陰翳使汝輩外藩翼京室昂爲天險無終窮我欲挾鴻  
濛游太清吸沆瀣餐元英徘徊歧路將安之酒酣寫作積雪詩不

逢眞州施夫子無人愛我豪狂辭長安西向千萬山中有白玉仙  
郎顏別君何時歲將還梁園詞賦空闌珊明晨更踏河冰去回首  
燕雲何處攀

邯鄲曲四首

咸陽西入見雄心胡服中山百戰深一自大陵城築後君王只愛  
女姚琴

叢臺百尺玉闌干美女西風寶瑟彈萬古漳河流不盡只今明月  
照邯鄲

宮衣脫卻下珠樓寶鏡塵埋照自羞莫怨才人容易嫁邯鄲厮養  
已封侯

廉君去國蘭君死漳水東流無盡期平原珠履三千客欲報君恩  
知是誰



重渡漳河橋

平生鹵莽著游衣，捧檄重行願轉非。  
兒女從今判<sub>平聲</sub>聚散，家園縱返少因依。  
澤空大浸蛟龍蟄，天近殘年鳥雀稀。  
一任轉車聲鹿鹿，危橋無語碾冰飛。

延津渡河有感

危崖下俯大河通，積雪黃雲四望空。  
馬踏層冰愁落日，天低古渡走西風。  
狂夫恨事空篋外，春草家鄉涕淚中。  
咫尺夷門山色在，休將殘酒弔英雄。

大梁懷古四首

魏國山河在金堤，一望昏黃雲搜戰壘寒。  
日澹中原車過屠兒市，祠荒隱士門未爲大梁客。  
亦感信陵恩。

破產何年少，英風博浪真。師臣非爲漢，豪傑首誅秦。  
壯士還滄海。

黃公在泗濱此心如白日終始報韓身

我欲拾瑤草因之梁宋期徘徊三尺雪不見清冷池地氣繁賓客  
君王愛賦辭窮愁著書者老死復何悲

慷慨封邱尉諒交一酒鱸風雲芒碭下天地吹臺孤古木無鴉噪  
平沙只雁呼由來天下士離合在須臾

過汴宮舊址二首

黃濤滸沉挂城邊城咽寒冰接暮天宋代君王沙漠盡樊樓燈火  
夜深懸殘碑虎蝕金明字廢井蚨拋元祐年久向上河圖裏弔不  
應來問孟家蟬

山河四塞說東京劫火誰教草又生萬馬旌旗寒不散六陵松柏  
夜無聲江南花石空成劫汴野宮人更有行

汴人王紫綬有  
大梁宮人行

終古

夢華多感慨驅車還過舊青城

大梁寄金四碧峯嵩陽書院

君在嵩陽峯莫折三花樹若問相思人西風渡河去

襄城烈士行

明崇禎十五年流寇破襄城諸生耿光等隨汪中丞喬年殉節者二百餘人過此作詩弔之

書生報國好男子二百餘人巷戰死氣作中原虹蜺長波翻襄水蛟龍紫當年蔽蔓賊縱橫中丞擐甲親移營大帥棄師竟南走陰雲慘澹盤孤城宮牆白日灑紅雪烈士奮呼天宇裂山川精魄鐵肝腸不化烏鳶口中血軍門贊畫登陣守妻兒磚石負奔走巨壑回燒礮火聲長矛懸出黃巾首中丞力竭城遂破七尺堂堂誰怯懦罵賊甘隨殺鬼雄擇福能同正人禍手足可刺名免辱誤國傷心罪難贖英飆怒捲襄水波恨不生噬叛侯肉往事沈吟付劫灰

賢門日月猶崔嵬行人下馬一憑弔姓名斷碣隨荒苔天心降此  
陽九厄事去英雄在黃馘君不見先生已懷剪賊詩弟子又殉文  
山集家拭注先時襄城訓導張信胸懷剪賊詩斷舌死諸生李光  
閻抱文文山集投汴池死先通奉公嘉慶辛酉門生盛化振  
襄城人言之甚詳

嶺上逢歸雁口占時家大人在京

汝向燕臺去平安寄兩行暮春三十日逢我過衡陽

大漲下六瀧二首

風急怒瀧聲韓祠鼓亂鳴微茫鷹隼掣尺寸虎犀爭猛勢紛殊狀  
盤渦駭異名冷君看未得已下尉陀城  
萬木倒晴暉啼猿在翠微砭雷爭地奮白雪破山飛對壁樵呼過  
驚湍鳥掠歸重來竟何事巖雨濕人衣

曉至羊城過耿湘門宅馮箕邨仲掌文至二首

紅棉一帆雨。客下嶺雲西。春水扶胥口。城門鶯乳啼。勞蹤天合併。  
隔歲夢端倪。呼酒頻相慰。投交盡呂嵇。  
莫訝珠江柳。新條復舊條。北風萬里雪。一夜故人潮。譚藝驚心短。  
移燈看鬢凋。明晨趨大府。手板任無聊。

仙湖里寓舍

九曜石不見。還居九曜坊。人言仙湖水。猶有蓮花香。海氣黃龍郭。  
苔痕綠上床。卅年飄泊夢。流轉落蠻鄉。

羅礪礪文學投詩賦答

避跡羅昭諫。談經井大春。衰年常病肺。多難尙留身。樓有攜書度。  
庭無漉酒巾。騎驢休早出。世少愛詩人。

耿馮諸子過飲

誰云吏懷淺。一院蒼苔深。酌我壺中酒。橫君膝上琴。羅浮多大藥。

漢使豔黃金兩者各不快知余方寸心

光孝寺贈圓德上人四首之二

訶林

訶林銷不盡萬劫此虞園山色晴含海榕陰雨在門荒藤垂髮墻  
古鉢洗泉源那復離文字新詩共討論

風旛堂

人天同不住秋滿贊公房掃石臨寒水尋詩到夕陽心空垂果熟  
風定出旛香此意琴絃識憑君鼓數行

觀緬甸使臣省宴四首

蠻使承

恩出

帝京竹符絡繹下昆明重開祖宴韋皋府別護偏師呂凱城

時調  
鍾康

州兵護送入木邦境

日角龍顏猶喜迹天廚仙樂未知名鐵橋銅寨從來險

可記而今盡削平

天王德意念迢迢三日禺城許息鏢風湧簫鏡蟠海曲山迴劒戟  
入雲搖椎牛行酒千夫集舞馬跳竿百隊驕莫修唐家驃國樂只  
將忠順報

皇朝二

南牙山俯錫波隈秋過黃茅大瘴開日月盡隨珍物降雲霞親捧

御書迴

御書瑞集西琛扁額

賜國王莽達喇陪臣某識漢字

精緹歸愛余此聯出金箋對乞端楷書之即於羊城高第街裝潢  
進國王族焚久卻尙書貢白雉聊矜遠譯來好語蠻夷新大長朝

天更築尉佗臺

蜻蛉塞外水西流十萬連營盡益州使者自勞將篋冊將軍何以  
慎疆劉原無陸賈頒封號敢有張騫翼列侯絕貢閉關爲上策籌

邊詩上五華樓四

四月十五夜大月耿馮仲諸子載酒雲墩堂座中談西樵之勝時余將之始興

萬古月如此今宵潮又來我行知幾日且覆掌中杯盤濕離支熟簷垂朱槿開尙書期縱迫津鼓但遲催樽前一千仞七十二西樵鸞鶴紛如下神仙不可招翠飛他日棹青入故人宵也擬秋風返相隨踏石橋

赴始興解纜日適家人舟自粵西至述石基遭漲碎舟事悲喜交集賦此

蛟蜃爭前日風濤述此晨一家初屬我萬里轉思親夢入艱難幻天憐骨肉貧嶺邊紅荳蔻猶有斷腸人

雨泊三水縣



紅豆花深雨打窗。木魚歌咽不成腔。春潮都爲離心引。半上西江半北江。

浮沈石歌

倏兮而來若騰擲。忽兮而伏誰沮抑。雨淋日炙苦不休。天柱雲根孰敢測。朝看海水怒橫飛。暮與三江相搏擊。化鯨或恐雷霆疑。藏珠毋使蛟龍得。坐令放浪閱人世。也復酣嬉雜蜃蜃。馮唐白首尙爲郎。臣朔金門猶執戟。噫吁嚱。浮沈石。

觀音巖歌

雷霆驅壁劃江急。水府搖搖老蛟泣。衝波翻軸萬派立。白雲愁生太古濕。長風穴出復穴入。海潮從之相吐吸。危梯懸冰黑岌岌。失勢一落嗟何及。考鐘伐鼓百靈揖。修蛇毒虺誰敢蟄。風收雲散江不譁。天女手捧青蓮花。

龍頭影歌

渴龍飲江昂其首江沈影落眠不走團圞孤撐衙衙出晝吐金樓  
夜銜斗廣州冬徂春不雨越王臺上播急鼓潮田龜坼泉髓枯萬  
姓嗷嗷飢待乳西樵之巔白雲頂縣官捧盂乞靈井胡不揚鼙鼓  
沫去一灑百蠻十州靜呼龍不醒客作歌華陽割耳嗟若何

彈子磯歌

黑鷹驚飛石燕蟠老鸛撲壁落鴉翻檣欹舵側駭赧駁枯楠怒括  
皆倒攢衝風摩洗錦步障五色不定天漏瀾斜陽破碎鬼斧靜渟  
滯舊無六月寒半空一穴嬉冥姦在客躑躅無躋攀蒼然長嘯萬  
發動聲震千里百里間掌擎足蹠古如此愚哉何人誇彈子俗傳黃巢

試師子  
四名

峽山寺坐讀書臺示懷遠上人二首

猿聲穿峽起翠色落岩巉古木二禺宅微風中宿潮欲吹阮俞笛  
一上玉虹橋滿徑紅蘭水冥冥不可招

太古何書讀山川卽大文由來好道者不獨軒轅君帝賜芝苓俸  
天將鸞鶴羣輸他朱叔子高臥落花墳

同懷遠上人夜宿古飛來寺

吾亦飛來者人看作白雲華泉穿怪石坐竹到斜曛峽氣四時變  
山香絕頂分西巖有鐘磬莫使下方聞

呼猿不肯出月上六朝松采竹仙人返吹簫帝子逢風泉宜永夜  
天海落中峯晨起長纓荷吾將問九龍

望南禺峯

軒轅兩庶子吾愛對南禺嶽嶽精靈狀怕怕兄弟容燈交山鬼語  
江走落花鐘老結茅齋住心知第一峯

紫峴山人詩集卷十四

湘潭張九鉞慶四書

姪孫家柢重刊

嶺嶠集

乾隆壬辰六月甲午

先生既至羊城緬甸省宴陪臣某出金箋對乞書詩送別  
王粲人士盡之未三月權始興家河西公掣雲南以老致  
是使迎之矣已補保昌來往新舊二路作九憶因君梅  
驛使時有某公子希大吏意為民蠹先生怒繩以法海  
故盜藪也愿任無善終者遂以先生調焉  
著嶺嶠集別于潮海言之也凡三年詩

始興署中

邑以郡名古吏當初試閒堦前墨君水城上謝公山腰笏勞生習  
芻蕘瘠地艱扶桑三兩樹還照讀書顏

聞家大人罷河西之行喜賦

帝念臣親老母為萬里行一家辭熱瘴七月數歸程祿養仍  
恩重文章亦世榮好迎筇竹杖秋爽到羊城

嶺寺喜晤大庾朱明府

當年惜別蓼洲灣，垂老相逢共抱關。  
可報故人惟白髮，不辜貧吏是青山。  
好當泉石遲深語，莫爲風塵損壯顏。  
此後梅花開爛漫，南枝看過北枝還。

禱雨登官石巖二首

石名三品石，兄弟三人居。  
之食桃飛昇祠在山下，甚靈異。

三品石崔嵬，攀緣出九垓。  
吏爭民骨血，天借汝風雷。  
萬火熱如燼，雙桃涼欲開。  
神仙憐故國，早駕鶴歸來。  
一甌慰長吏，羅拜萬人呼。  
似有旌幢下，真聞子姓趨。  
椎牛插大鼓，躍馬走陰符。  
未搗斜陽返，山風啼鷓鴣。

三品石禱雨行

鼓震震鉦鏘鏘繁絃拉雜巫覡妝黃塵烈日吏渴走萬人左右從  
以香椎牛刲豕繞祠叫紙錢烝宰天青蒼官石將軍巖絕頂神仙  
兄弟猶畱影攀緣勞劬神始歡更非諂瀆民命請千峯如熾萬木  
蒸雙桃欲開涼意靜此巖首鑿詭且奇下臨絕壑足不支能福水  
旱與疾疫報賽毋敢或愆期宋封三品有御冊以史考訂羣相疑  
古來祭法貴順俗有德於民祀則宜君不見白龍衙衙雲吐壁雷  
雨驅江作深墨始興城中黃一尺千里枯禾有顏色靈旂徐捲神  
歸來泥馬無聲汗紅滴

喜雨

雷破黑雲湧飛從官石巖風翻一城動雨合萬山銜春氣聯溝洫  
雄聲透檜杉神仙挾兄弟旌旆擁非凡

仁化江口

丹霞三百尺飛入滇江來似坐海螺頂吹簫紫玉臺一船青篴葉  
雙漿綠春醕徑往中丞宅吾監在早梅

闕題

十日秋晴一日陰山容猶喜未沈沈芙蓉出院傳霜信蘆葉鳴江  
想雁音吾輩好爲文字飲老人藉慰病愁心年來北郭多良會日  
賞紅梅直到今

玲瓏巖同幕中諸君三首

平田突兀一峯橫江路涼颼趁曉行三島煙雲梯上下九天樓閣  
洞虛明秋含老樹蟬聲急露裊殘蘂鶴夢清南北奔馳萬餘里茶  
香筍味暫怡情

大根地肺互鉤通鐘鼓獅犀狀不同恍惚但愁雷雨至鐫鑿誰信  
鬼神工瑤壇薜結牀多乳玉樹花開海有風肯學丹砂刀匕術移

家也傍稚川翁

層巖卓午更巖岫路轉三休亭上寬冰雪四時雙寶合丹青萬古  
一僧寒清遊吏事誰能縛樂歲居民喜共看更約秋風收稻了與  
君刻遍碧琅玕

上元偕同僚諸君登越王臺入光孝寺訪古蹟聽圓上人  
彈琴適馮箕村攜十四齡麥生至亦善琴

春一日晴足可惜吏一日閒不易得尉王贈我以萬古之青山安  
能使彼抑鬱無由展心顏勸君休挂馬曹笏勸君且理謝公屐東  
風吹上五羊城木棉萬古朝霞赤盤旋同下訶林寺榕陰作雨垂  
新翠無言藉石坐煙綿竹中僧戶猶深閉颯然萬壑松風清幽泉  
泠泠笙等鳴一聲元鶴不知處白雲欲動蘭芽生須臾飛出海天  
秋浮邱老伯歸瀛洲盤空鵬鶚一碧去黃葉漸下城西樓我方憫



恍忽鏗爾始識琴聲清且美花底開扉見故人座中肅揖來童子  
援琴傳看手頻拂知是前朝成化物滄桑久變尙傳家玉軫金徽  
氣深沕麥生麥生爲我且再鼓諸天寂靜飛花雨響泉韻磬勿深  
藏定有知音來見許蒼茫世事多聚散佛地經過亦慨歎風幡豎  
義只空堂禪月霽圖皆取竄黃金佞佛是何人笑煞浮屠鑄南漢  
不如銷向七絃聲散作微塵大千看囊琴相別通衢口燈火嚴城  
車各走回頭欲問虞功曹菩提花發能來否

海秋天琴名成化年造麥生家所藏

陪方伯雲岫先生祀南海廟二首

木棉燒海火雲開遙見離宮鬱翠堆星舶高連鯨國入口輪飛浴  
虎門來神靈惶惑山川幻世代虛無畫像哀

廟門外有番國達奚司空遺像惟有

豐碑韓吏部雄文終古立崔嵬

殿宇森沈倚絳霄離支花綻寶燈搖風傳萬壑靈鼙鼓月上三更

瑇瑁潮玉簡象鞭空往蹟祥雲甘雨自今朝  
太平方伯勤修祀祇以精誠感次寥

送吾溪二十一弟歸里卽赴都門二首

離心似春草一夜橫頭生故國難爲住他鄉  
空復情詩雄垂橐重海大轉帆輕底事衡陽雁  
今年又北征

長劒一尊酒別離何足歎聲名紅芍藥弟官中翰  
家世青琅玕栗等侏儒飽裘仍季子寒涼秋吾入夢匹馬渡桑乾

梅關詠秦漢古蹟四首

尉陀絕道挾羣蠻敢近臺侯矢一彎秦戍自然雄  
五嶺漢家從此下三關寨緣鳥道泉聲活祠綴蠶  
崖蘚跡斑萬古梅花作封號吏人分領翠微閑

壯氣終童凜似秋哀哉函節墮深謀百年海外黃金盡  
一夜關門

碧血流王者由來當奉討書生元不爲封侯長纓歸繫南王頸肯使悲魂絕微留

樓船天上下將軍海國雲霞盡掃氛橫浦新開無阻阨石門首破是奇勛懸巖瀑雪聞鯨鼓大道秋風嘯馬羣嘆息令名終不保南碑只頌伏波文

庾家二將偏師駐城嶺而今以姓傳綏輯自能安里閭功名終得勝樓船旗荒江戍三秋雨鐘走雄州半壁煙合與梅侯同報賽神簫社鼓坐年年

### 題金桂背亭

亭在小梅嶺方伯姚雲岫先生所建

金桂背前亭子紅翠天八面玉璫瓏白雲滿地掃不盡月明香欲琴松風

誠敬夫人廟行

雄州洗氏夫人祠老榕百尺下覆之燒天赤日不入雷雨颯颯  
深秋疑纓髯高張虬怒走陰風慘澹珍珠旗有時朱鳥立門嘯八  
蠻五管猶奔馳夫人偏師下瀨石於此闢榛立營柵手橫長劍提  
孤兒一掃黃雲海天白一十六種峒豪酋夫人驅之如驅牛眼中  
已無蕭勃與歐顏何況仕遷之輩如蚍蜉坐清嶺表歸圖籍敵愾  
同仇効死力子孫四世作盟主千古桓文無事業石龍譙國兩大  
郡黃金斗大懸堂印錦繡繡憶何壯哉八十據鞍氣彌奮雄州女  
巫夜打鼓夫人下來騎白馬蕭蕭嶺路淨無塵亂灑梅花作紅雨  
我陳樽俎酒頻滴仰視遺容長歎息英雄自識陳江州百戰南荒  
作輔翼一朝日南犀杖返始識江東真舊國素衣痛哭聚諸酋賜  
物陳庭拜向北忠義真能激肺腑陀王任尉無顏色嗚呼六季臣

僚如此寡紛紛勸箋禪冊何爲者

鐵杖樓歌

丈夫那能瓜蒂歎鼻艾炷額屈死兒女手中真可惜要當爲國奮  
殺賊馬革裹屍還亦得不見麥將軍魏樓插市起上控臺關下滇  
水英風吹捲淡黃衫儵忽如馳五百里當時高驪驟合圍鼓衰絃  
絕遼河碣將軍手提一丈威渡河殺賊如鷹飛寒日慘澹天無輝  
橋傾馬折將軍死隋人痛哭敵人喜阿廢黷武不足言國有棟梁  
嗟已矣故鄉漁獵靈來歸過門婦孺猶涕揮輟車羽葆何足重以  
杖名樓古所稀我望英姿蕭灑颯颯花竿嘯鬼馬大鳥時飛立  
墓門遺孫長拜擎杯竿江南楊花落紛紛江都羣賊如狗狴將軍  
有子亦絕倫顯祚報讐殞以身英雄成敗那足論惜哉此時無將  
軍

家扶注起用麥公語一丈威隋楊  
帝御鎗以賜麥公者見清異錄

羅浮赤藤杖歌酬曾少尹

曾君著壁赤藤杖，閃忽精靈非一狀。麻姑玉女不肯讓，是誰剗取青冥上。憐我百杖齋頭友，贈我摩挲席前久。兒童驚視但縮手，呼之不應背階走。老夫策之緣花磴，斜日火鞭相掩映。爪甲鏗然善有聲，牙鬚欲出愁不定。夜夢偉丈夫來告曰：「我之生也在羅浮獅子之高峯，其友桂父安期翁君不能以我挂酒瓢挑藥籠出入靈壽笑微紫節，依然委之鬱鬱荒嶺中。山林杳冥海澨洞，使我徘徊躑躅將焉從，無以對之起歎息。欲把還君更怵惕，須臾定化火龍飛，便恐君齋藏不得。」

題曾少尹庾嶺圖

長安少年騎白馬，今日相逢古臺下。坐中示我庾嶺圖，相看俱已成老大。獬豸子軍持，緇酒榼茶鐺穿積翠。誰將金殿校書人貌，

作紅梅腰笏更看山宜上姮娥峯訪古宜撫開元松莫令風塵瘦  
顏色參差笑殺青羊公菊花開時來小住梅花開時我別去我亦  
作圖思伴君祁岳鄭處不可遇侯門舊事難重陳過眼雲煙又一  
春請看百杖齋頭客今日天涯餘幾人

君以武英殿校書議叙出  
作仁和丞復補保昌百杖

齋塞紫峯少司成讀書  
處君與余同遊公門

### 羅浮蝴蝶歌寄蘇博羅杏浦

吾聞祝融火德司南方離明府啓爲文章羅浮南嶽之佐命山川  
靈氣紛翺翺崑仙五銖衣鬱鬱藏不得麻姑五色裙翩翩不可擲  
散入蓬萊第七天化作如輪彩蝴蝶川泉渴飲芝療飢鐵橋瑤石  
相蕃滋六朝洗盡金粉色七襄織就天女機眞文紫篆巧渲染得  
非四百餘君遊戲之所爲五月晴霞炎海起華首臺高不見底紛  
紛百萬羣遊邀高舞低旋絲錦綢撒然一逝隨長風茫茫大壑天

如水亦有收之入行館。卷杯經相夾。東韓憑魂魄。萬里歸仍伴。  
珊瑚花裏宿。迺知出自鈞天。居海眼。丁香未足殊。謝逸何緣收入。  
句。滕王那得品成。出蘇耽此地。神仙吏。異物休辭遠。難致何當踏。  
上石樓峯。相與騎之謁天帝。

慰羅礪溪文學同耿大湘門作

虎也不可使駕車。鳳也不可使守斂。揮刀剖玉玉欲泣。種艾得蘭。  
蘭欲鋤。羅君今日明爲乎。青衫裂碎空頭顱。羊城少年笑欲死。昔。  
何身手今何愚。誰令君腹靈威書。誰令君手明月珠。杭先生死耿。  
大病無人愛。此青珊瑚。望浦先生詩君家昭諫亦落魄。北走京洛南。  
江湖一朝錦衣將。車遇殿庭作賦千人趨。主人青絲爲君酤。肯來。  
就我豪飲無文章。賤賣計亦得。漢庭豈乏羣侏儒。

羊城晤李潮陽南樵二首



未了平生事先爲嶺嶠人十年纔得調萬卷尙隨身愛客將軍少  
爭途健卒嘖翻憐腰腹大不得畫麒麟  
著述推身手浮沈共此時挽撻隨老革腰笏作男兒翠鳥山深穩  
冥鴻海大宜好尋風雨夕孤館密論詩

石磬行

長風劈峽三百里天梯一縷牽江水高者竇緣轉胛螺低者嫠嫵  
旋磨蟻躋攀分寸不得上石穹滕鉤纜倔強潭底蛟龍喜伺人前  
後呼號氣懷愴鼓勇青冥一瞬疾忽見猿猱出樹立雕尻扶將錯  
雁行崩垠碯岸愁相失虎聲撼山山竹號饑鷹搜壁飛鳥逃飄飄  
黃葉不敢下白日欲沒蒼崖高豈有巨靈來悞蹠百粵憑陵作阻  
阨亂後狐狸閉野蒿不記何年此開闢我聞  
國初平南禺伐山杙閣騰千夫金錢輦致皆債帥滇陽中宿無崎

峴當時何不效忠義長載中丞大事記敢爲封豕化天狼六師不足供鋤刈百年昇平炎海靖排猺編戶銷龍艇板屋帘垂鸚鵡花成樓月挂雕弓榮古來天地險在德苞枿作兇竟何益君不見尉陀城郭築萬人又不見楊僕樓船高百尺

邛崃歌遙寄仲松嵐大邑

君不見邛崃之山高高出西極北通雪嶺控旄域下有大渡之河日夜濤春撞上有天梯石棧綿亘而鈎結又不見仲夫子材名三十年一朝捧檄下益部鳴笳躍劍靈關前八疊渡帷濺濺九圻坂車闐闐大峨萬古六月雪半空飛作桃花鮮方今

王師兩道開軍營貔貅萬里皆橫行邛崃一路自南入勢掃其穴犁其庭君峙芻焚勤供億師過衽席人不驚欲請終軍之纓繫羌頸漢家無事勞書生籌邊樓頭夕照孤振衣長望西南隅黃番直

接打箭爐刀耕火種皆膏腴網茶引裝駝馱番僧茜帽馳名駒  
閉關絕貢古非計太平控制爲邊儲詞章安用在經濟三城守捉  
眞雄圖里中還有君平無不然賓客多相如琴臺滌井兒女態雄  
文諭蜀誰重書益州蠻箋十幅巧休矜黃筌畫花鳥當令繪作九  
夷八蠻圖襟帶咽喉勿州州寄我雙魚江水邊知君騎馬臨邛道  
公學以書  
蜀得名

入百願山秦雨滑墜興石田中傷臂幸不死晚臥侯氏

書齋自慰二首

常嫌新婦閉帷車只學先生坐竹輿險地未將扶老力勞生終荷  
上天餘折肱事免良醫學腰笏人容禮法疎翻憶少年騎馬日一  
鞭掣電走長虬

了來公事學癡兒書室平牀臥亦宜乞藥未妨童子笑停書恐使

老親知我欲縱千場博泥飲兼揮十斛危世事險夷殊有數垂  
堂安得一生玩

端醴泉大姓在金川軍營家

恩義非同功惡賦卻荷三簡

開簡

君王詔仍隨驃騎營如何徇感泣兼以奮功名箋奏飛俄頃  
韋文文章能贊罪戎馬一書生

此日

王師出青天大合圍將星高太白井絡轉神機刀破千山入旗懸  
萬里飛西戎窮剋寇指日暢

皇威

汝健弓能挽吾衰鬢已斑天風吹海月一夜夢關山太史星懸出

樓蘭首帶還鏡歌他日聽相與破愁顏

南雄羅瑞亭副戎邀同城西觀操賦謝二首

將軍講武愼疆劉濠皓城西列陣周紅樹半江明組練梅花十月  
滿旌旂笳飛白日平沙靜馬掣黃雲細艸柔百粵雄州門戶重威  
名誰敢競臺侯

曾奪蓬婆雪外城火鎗叢密躍身輕十年老將論功在一日雄心  
按陣生壯士囊弓能教讓腐儒入座許譚兵燕然無事將銘勒好  
共邊疆愼太平

張文獻公嶺路手植松歌

曲江相公風度不得見見此官道之喬松或如明堂清廟端拱奉  
璋立或如三公論道揖讓來雍容或如垂紳正笏侃侃定大策或  
如摧姦折佞凜凜無阿從使人對之肅且恭公昔經營關炎嶠廣

公揮斧臺侯掃手提中原兩曜來長照蠻荒天地曉而復植此青  
琅玕連崖接阜互繚繞銀河下與剡神漿鬼神盤踞爲天矯扶輿  
磅礴之正氣來往古今不知老松乎迺能若茲雄蟠拏絕壁無寸  
土厚力直亘丹霄雄長虹衙衙一萬丈倒吸海水成蒼龍怒雷夜  
吼鉢泉罅虎魄驚走仙犬紅行空百里不見日祇以一綫青冥風  
關門訇然開兩扇五湖九澤連濛濛其餘臨水亦殊絕遠近參差  
互明滅八方亭子洗嵐光穿出瓊瓏翠天穴滇溪摩戛各砭衝金  
桂背前捲晴雪樓船將軍伐鼓歸梅花亂點粧樓衣一聲元鶴落  
仙粒紅雨散滿南溟飛我公已去千餘年松乎矗立何蕭然長隨  
五馬擁阜蓋時拂八騶迎絳旃奚兒彎弓射鹿走掉頭一躍珊瑚  
鞭惟有行人官道上猶記開元舊丞相憩坐徐聞等籟鳴摩挲共  
訝精靈狀武侯古柏萊公竹偶然愛惜猶持握險阻山川就坦夷

光芒事業閨亭屋孰謂純臣慘澹心不在森森一喬木松乎松乎  
當思造化之奇功長與我公勁節相始終如今存者三十餘株耳  
毋令衝飈劫火日相窺伺臺岡中

奪碣歌壽南雄羅瑞亭副戎

將軍昔隨征金川奪碣奮勇常爭先羈山大礮裂百丈黃番雪嶺  
皆丹煙突如火鷹含燄上矯如鐵燕盤風旋闊如虓虎嘯絕壁怒  
如渴猊奔長泉紛紛蠻酋逐刀落無城能固樓能堅郅支出降意  
未快欲掃旄微開金天

天子論功憐老將臺關碑兀懸牙帳以和靜鎮人不驚八十猶能  
據鞍上綸巾羽扇自風流誰知血戰攻碣狀關門高高秋月吐長  
松捲幕鳴雷雨錦綉花奴夜擊鼓宛轉毬毬作舞將軍笑袒雕  
錦衣捉我手數刀殲肥一癭一撫一斗揮筵前捧出奪碣賞銀牌

異藥懸珠璣行觴壯士躍欲飛淋漓亦似奪礪歸繞營紅炬生光  
輝夜深移席還張樂覩肩快斫傾羊酪盡把肝腸吐向人更與書  
生重然諾城頭黃葉星搖搖不知北斗當筵落方今  
王師破邊圻長驅直搗烏勒圍將軍猶思從武威滿堂獵獵風吹  
旂美人斂袖寒雙蛾我爲起舞花婆婆爲君壽以金叵羅爲君唱  
作奪礪歌歌終茫茫望西極腰間鐵弓收不得

韶石歌

矗而立者容容雙闕直上撐空晴環而從者三十六峯不可以殫  
形雷公鑄作太古鍊風雨不洗莓苔青或疑五力士表立萬鈞輕  
或疑上帝觴鐘鼓羅百靈扶輿清淑之氣忽一鬱酣嬉騁怪荒圖  
經天維地絡互鉤結蛟龍雄長頭角爭女媧團成五色土南離燒  
之發光晶不然何以滇江日夜相撞擊更千百載無欹傾我從九



成臺飛過翠微亭，蒼梧帝子邈然去。滿山蘭蕙風欲生，鳳皇何年  
一來下。夜深仙女吹瑤笙，但聞鷓鴣鈎輶颺颺嘯扶桑。花落愁猩  
猩，又聞子規啼。二妃紅淚飛零陵，整冠肅裾不敢上半空。搖曳多  
霓旌，倚篷作歌響。颺沓應有后，燕典樂時潛聽。

嶺南寄內

朝着紅豆花，暮摘紅豆子。不欲寄與君，從此相思始。

靈石山

利水戍下里許，有石巖濱江。高削不如觀音巖，彈子磯而奇秀過之。水經注載利水經靈石下一名逃石，高三  
十丈，廣圓五百丈。耆舊傳言石本桂陽，迅雷一夜遷此，故名逃石。又名靈石。臨江壁立，霞駁若纈。利水又南注東江，以地理考之，疑卽此地。自來吟詠不及紀以一詩。

用俟來者

徒覲韶石奇，未測靈石狀。今晨出眼底，鄴註豈我誑。壁身洗霞駁，  
天面鏤鬼匠。焚桐梯無垠，道子圖變相。十萬青玉株，五百錦步障。  
中含太古雲，夕照色新剗。利溪挾瀕水，潭潭不流宕。衝風入巖窾，  
鏗鏘互鼓蕩。半江紅杜鵑，翡翠破春漲。逃徙自何代，其事頗誕妄。  
浩劫銷吾曹，耳目易清曠。三復耆舊傳，臨去更惆悵。

嶺路曲三首

嶺路紅梅發，南枝冬復春。花前逢驛吏，誰是寄花人。  
黃埃何冥冥，白日亦颼颼。相逢車馬間，各各不招手。  
七寶馬鞍裝，金襦繡裯褱。相公松下過，射殺兩黃鵠。

送吳巽川之瓊州幕

秋風半嶺下，驅客過交州。瘴黑投蠻府，天黃落海舟。采香黎女豔，

伐鼓馬人愁。此地原奇甸。參軍慎老謀。

聞嶺上梅花盛開由小嶺宿紅梅村

東風從何來。已破南枝春。不知花遠近。但與煙嵐親。花得更孤吏。得花不貧。穿嵌玉璫瓏。亂點紅璫璘。蒼天鏡沙水。四照彌鮮新。百年一蘧廬。碌碌嗟蹄輪。安知鴻洞中。旁有梅花鄰。扶疎二百株。其下皆香民。把酒愛斜陽。獨脫鳥角巾。避喧宿茅庵。山月資清真。何必夢羅浮。浩歌答美人。

曉行古路至二仙壇

我爲梅花長。花迺邑處士。只在亂峯中。濛濛隔煙水。晨光軒車屏。野趣芒屨始。翠羽不逢人。似引三十里。敕樓固荒唐。仙壇誰踵趾。但謝塵海喧。遂窮林壑美。一巖一叢抱。一幹一石倚。香坼硤角流。根盤天棧詭。輕寒襲衣裾。雲白交齒齒。甯知古性情。亦欲答知己。

迴潭漲紅雪凜冽不可視欲借鐵笛吹恐有蜃鱗起

### 古梅關

誰辭驛使來高臥麋廬徑亦知攀折多不足當寄贈樓船舊行  
修纖轉苜橙昨宵風兼雨一洗寒瘴淨新條聞客至爭出若抽迸  
瘦與石氣青險以橋勢橫紅白雜瓊瑤高下居掩映臺侯之子孫  
猶守舊封盛道院廢何年松子墮破甑日華濃不落到晚轉香凝  
冥冥樵柯下坐愛迢天靚

### 從鄧坊探梅越大荔源

梅花太古姿幽遠卜作宅况當未開時天地心始識隆冬嶺更暄  
嵐氣日開闢低穿敗籬根高補白雲隙萼香不在樹而在泉與石  
微風一嫣然小坼爲行客別築不夜城獨坐眾香國毋向郡下言  
桃源恐長隔

飲姮娥嶂花下

嶺梅如天桃丹唇破新臉  
鬢彼曼陀羅天女出忽奄  
姮娥樂蕭閒萬古此厓  
广自鋤新月種亂插平靑  
剌仰穿笏竹窮空濛雲數  
點及頂林萼繁俯豁彩色  
閃炎海奄沈沈中有絳霜  
染松楠立開張步障未荒  
儉邨醪雖云苦雜以仙茅  
醺爛醉錦洞天歌嘯無拘  
檢回首江南雪清夢落西  
崦

大湊山歌

大湊山在桂陽州城西鉛  
錫銅廠在焉又名寶山廠  
爲州刺史所司官是者皆  
緣爲利家大人以丙戌司  
州鐸戒士子凡營謀厥利  
者勿以一星一牒開官牘  
然暇卽與州人士尋訪古  
蹟著桂源州以竹枝體作  
桂陽見聞詩及寶山詩桂  
陽人皆能誦之寄示

九歲命作大湊

山歌

我聞桂陽郡其嶠曰部龍迺在騎田都龐之當中聳爲大溪山勢  
與祝融九疑相比崇南離蜿蜒磅礴之氣不得洩何以橫石鬱壘  
煙嵐雄荆州三品禹作貢五齊周利州人用唐家迺置白金監開  
寶以前歲入重我

朝郡不設銀生以資鼓鑄酌虛盈生齒日繁民用急有鏈和錫資  
菁英近來復允司農請廣爲開採用始羸老壠何岩堯穿穴青天  
陞上則烹丁治卒紛參錯下則牛車羸載連尻脰赤雲墨霧蒸五  
色半空雷電羣驚疑鷹隼之飛不得過陰崖安敢啼山夔熙熙穰  
穰爭趨驚夫長椿夫豈招募儒生射利夫何爲往往虧額遭官怒  
吾親來此司文鐸戒以不貪切隕穫家大人榜一聯於學署門金  
好親三寶山官冊無姓名贊序歲時有笙簫騎馬不入程鄭門訪  
楚傳謂

客不過卓王孫提壺挈榼攜賓侶桂水直探桑鄴源人傳竹枝詞  
十二風土見聞辨疑似深心非同貨殖傳考核欲補地理志昨將  
一帙寄西吳讀之夢入燈花綬忽如攜我衛侯祠上芙蓉峯青鞵  
手捧靈壽從蟠天老桂三百里海風片片仙霞紅不見寶山高重  
重惟見四十八泉碧玉色光芒流繞素王宮吾聞天地開闢山水  
融液秀者爲人物麗者爲砂礫此邦之士多英傑吾親之願宏教  
澤萬景富綠紫均四時佳氣日日干雲霄吾願茲山以寶化爲文  
章氣節百鍊膏貢之天府儲雄豪  
國家之寶在人物更憶萬年取無盡用不竭勿使柳州客但譏楚  
南少人而多石

紅梅驛逢祝都司開廳飲別

青山不相期適共松陰飯尊前有風雨勸子酌且滿春當北嶠濶

心與南雲短去去各無言馬嘶落花坂

小憩雲封寺

細雨催行騎長林下夕陰白雲盤嶺盡春艸出關深  
淚滿還鄉路天空作吏心上方有鐘磬休作別離音

夢游羅浮歌遙寄耿湘門馮箕邨兼呈羊城同學諸子

昔登祝融峯舉袖指羅浮石樓雲氣在咫尺嶺猿啼閉千巖秋玉  
筍梅真相招去洞天地道胡潛度滄溟遠謝雙屐飛庾勝關高截  
遙霧今年偶來炎交道粵岡浩浩餘荒草浮邱鎖斷朱明戶空對  
靈洲說蓬島耿君華期侶曾作羅浮客手提九節菖蒲杖夜寫七  
星壇上冊辰州道士王全真方瞳紺髮蓮花巾便欲尋之探霞谷  
海颶蕭蕭吹別魂讀君羅浮詩卻走羅浮路泉挈沖虛觀上行舟  
挈松逕巖邊去流盃池挂藥槽簾五龍潭瀉蟾蜍乳夢中忽遇四



百七十有二君揖我來入啞虎門手持一卷青瑤錄似我胸中磊

落人玉雨先生珊瑚鉤文章彝鼎商與周馮潛齋鐵橋老仙駟玉

蚪陳倉石鼓奇真摻鍾鐵橋靈威好句珍紫鏤官袍畫臥沙棠舟

謝澄江興甯長吏元道州衡山湘水奚囊收凌西波廣文詩名長

城劉興橫海寺絳臂鞢劉慕齋吳君慷慨韓亭謳妙諦不挂一絲

畱吳竹屏林君浩氣倚朋緘短歌磊落不沈浮林儒棧膝前神俊

驛與驪會騁健步騰九旭鷺公羅含洗耳羅溪流鑽經穴史不下

樓羅嶺溪吾家楚狂釣鯨鱗一百廿種讀紫邱上界官府不可卽

鞭鸞管鳳散仙業此時瑤臺有香雪此時華首多黃葉天雞叫破

赤鼈潮湧出陽鳥四千尺會仙橋邈重梯隔夜樂泚寒素琴寂昨

日麻姑贈我衣不見仙風化蝴蝶愁殺山中馮孝廉望我踟躕淚

雙滴人生蹤跡萍蓬值惟有山靈約難撇藜藿何如餐八珍斥鷃

終能隨勁翮會須拋我句漏山掬我丹竈粒攜我鮑靚姑移我子  
姓宅梅花邨裏作花農醉吐瓊瑤散青壁諸君攜酒倘能來同聽  
翠羽鳴啗嘖疏鐘打破江月白一笑征帆翦峽側帆亦不得息詩  
亦不得擲寫寄東南福地人知余千里遙相憶

百順道中四首

萬木黨雲氣晴天自作陰知投何處宿落日眾峯深

行上九堵牆一堵一青天飢蟲鳴鳴啼又過十八偏

九堵牆十八偏皆百順絕

虞陰

懸崖木芙蓉溪流相縈紆誰知深山中迺有絕代姝

牛埭一老松倒垂三百尺元是一蒼龍地僻人不識

以隄障水處

埭是也粵中懸溪累石阻水以居曰埭與埭同音蓋俗字之訛耳仍正爲埭

嶺南寄南豐會處士

不夢軍山人但夢軍山樹樹裏舊時雲飛來又飛去

嶺路松爲風雨拔一株悵然賦此

三更風雨浩呼洶老松仆關關欲動百尺沈沈臥攢髯敗鱗殘甲  
漫天湧大枝鬱怒不肯伏力敵颶衝思奮勇小枝昂首出泥沙欲  
訴青冥還惕慄相公手種三百株至今存者三十餘吏人立石防  
剗削山鬼挑燈夜叫呼洗夫人祠一翠幹停車不厭千回看覩此  
摧傷豈有因嶺雲海日皆栖斷螻蟻焉能壞香穴雷霆豈有嗔奇  
節正直終須神護呵精靈或恐山川喪工師縮手目愁注拋向長  
潭委煙霧中宵彷彿相公來騎作蒼龍朝帝去

送汪肇雲之吉水學博任卽東侯明府

廣文先生頭白雪官冷詩名天下熱五十江湖輟軻身文山字水  
穩眠徹苜蓿堆盤缶堆米慈親口笑妻子喜門生誦業君讀書大

報詩人祇如此故人咫尺待子久速冠其冠莫回首江頭寄語與  
侯芭問字花前須載酒

望夫岡

峽中宿潮爲儂畱一夕郎去潮信乖不過望夫石

古意二首

挾毀兩少年青絲就君酤不是金吾子恐是馮子都  
轉過銅街西門前一株柳莫畏絮粘衣但畏絲綰手

題山陰吳水雲山水障子時水雲將東歸

畫不可當遊夢不可當歸四明之黛湘湖漪君不耕於斯釣於斯  
炎方作客奚以爲羊城一丈泥渾渾風雨三日晝閉門畫爲此幅  
煙雲圖筆精墨妙無俗痕羅浮樹太濃西樵石太怪疎林遠浦我  
識之中有先生艸廬在辛夷花謝杏花白蓴菜出絲茶莢圻欲歸

乎請爲先生具舟楫

鑑湖月歌送吳水雲歸山陰

鑑湖月照雄州飛雄州客子將東歸東歸不記鑑湖路但逐月華  
度關去顧公不留趙公行颶風吹海海滿城吳公此時難作客身  
老雖貧歸亦得鑑湖月漲蓴絲肥桃花紅倚釣魚磯老妻捉甕傾  
春酒稚子持竿候竹扉我亦歸心連夜發便請作圖紀離別他時  
更約天姥遊擘舟一弄鑑湖月

題戴聿新秋樹讀書圖

往年識子因樹軒讀書聲滿松陽門今年遇子羊城陌秋樹讀書  
畫作冊丹林明綺金風爽石牀茅屋平如掌白雲一片凝不飛知  
是鼓琴氣豪上四明狂客老未歸爲子補出釣魚磯得非手移若  
溪碧或是夢寫湘湖脾我亦天涯負米客廿載挽撻隨老革晚交

得子出羣材。日日羊城傾一石。君家尊甫稱文豪。磨盾剡檄雄其曹。范滂剩有傳家硯。陸賈猶裝出使刀。頭顱叩壑那置得。况是鳳毛稱五色。許國當成輕世材。報親自有安時策。臺侯萬樹連秦關。好安筆硯對春山。再攜斗酒雙柑去。相與聽鶯翠靄間。四時詩

人日飯開元寺

獨抱愁懷惘惘行。恰逢人日放新晴。山僧揖客那知歲。蠻果垂簷不識名。佛地漸親知老近。春光無分覺情生。諸天休說伊蒲供。飯飽闍黎體亦輕。

擲鉢石歌

千夫舁鉢鉢不起。天風滴作曹溪水。惟餘洗鉢泉深深。梅花流壁臺關東。紛紜南北成虛空。一枝橫出孰可窮。西來大意無文字。何況區區一法器。

自題梅花驛吏行看子

山陰吳水雲作

梅花問吏來何遲，梅花待吏能幾時。去年花信催離別，今年花開莫攀折。梅花作國亦作關，梅花驛在嶺雲間。乞鋪陸賈千重錦，管領臺侯萬仞山。道逢驛使長安至，我曾識更長安埽。如今長作嶺頭人，縱有梅花何處寄。驛吏自言三十載，梅花與我常相待。梭鞍簪帽虎山橋，蠟板冰絃香雪海。羅浮美人不可從，繪圖號作老花農。空教閒卻金鴉嘴，笑倒麻姑玉女峯。此驛此花大道隅，南枝十月啼鷓鴣。嫣然小破朱唇朱，恰似十五女當壚。人生天地蘧廬耳，且對花前滿眼醺。頗聞姮娥古障口，三百餘株緣澗走。二仙壇上笛冥冥，紅天不夜春懷厚。何妨腰笏一探尋，爲問使能偕往否。花亦不折使亦去，作郵仍在花閒住。春風誰築綺羅亭，翠羽休吟東閣樹。酬花一盞花笑頰，明日東方千騎塵。請看白石蒼苔路，中有

吳君畫裏人

詩興行

書生幸不徒行出有車安得學揚州作官人邑邑新婦帷中居紅  
梅驛更風塵餘出亦讀書入讀書昨朝以意製一輿不用檀楠用  
竹疏左右書窟與箋篋上有筆硯樽壺儲棐几天然憑軾樣半幔  
半窗隨眺望或挂一奚長吉囊或橫五嶽盧敖杖生平結習在偷  
閒半晌爰書乞非曠古人疑義思籤記良友好詩裁楷識詞章審  
定看瑕疵卉木搜尋辨瑰異了來公事豈癡兒緣成經術差循吏  
掬起南枝溪水春一洗申韓陰鷲氣芻茭待罷笏辭腰天風落落  
吹布袍有時或喜門生舁有時或倩小胥鈔萬峯絕頂寒帷立百  
怪入腸力出毫拍輿大叫吏駭仆老狻猛獸皆遁逃君不見漢家  
新開白虎觀天地古今雲日綯西山宛委搜羅富八駿千牛駝載



遍小車丞相入編摩。蹇驢儒生走騰縉。驛吏庸材敢望此。但借公  
事遊山水。使我性情活潑消塵滓。民無冤獄商安軌。詩興之名游  
戲耳。

### 送新會同年莫北野北上

青絲挈瓶沽十千。留君不得心茫然。大河迢迢向西望。冰雪欲渡  
愁無船。長安城東劇孟家。與君同醉櫻桃花。貂裘寶劍一擲去。美  
人遙隔天之涯。聞君浩蕩弄雲海。雁稅魚租十三載。三株樹裏多  
翠禽。不見鳳皇耀文采。一朝感激去士恩。獻賦欲入金馬門。男兒  
蚊身須及早。椎琴鼓瑟何足論。送君踟躕花銷城。爲君再歌壯士  
行。長安舊友如相問。李白丹砂訪未成。

### 南豐門人湯璧光自南陽歸訪我嶺上途遇口占慰之

桐栢山中書遠不可讀。節都峯下田瘠不可耕。傷哉貧也何以爲。

親榮湯生來，吾語女不見鯤化爲鵬，鯢化虎，羅浮文章小鳳皇。南海磊砢珊瑚樹，荀卿曾遊陸門旅，慎身勵志圖進取，何爲東適齊西適楚？急脫短劍解，共較先生帳前紅梅開。

放歌行送史八錦齋歸溧陽兼寄王南洲明府

明燈未熄蠟酒清，鷗絃忽變幽燕聲。君不憶房山十月塞草枯，短衣袴褶盤瑯弧。鷹如風火矢叫呼，黃鷹仆地雉貫顙。渴飲其血目睢盱，又不憶長安城南泥沒髀。下馬入齋，劒雙把，神光離合龍交下。眼風霍霍雪飄灑，收之亦不赭。丁香花落頭亂打，青陵門外騎蹇驢。與子一別燕姬鑪，我浮彭蠡子洮湖。安得鬱鬱山中居，周郎南遊曾過我。出子相思雙鯉魚，五陵少年誰意快。千騎東方擁車蓋，如子家世青琅玕。結客舊腸休慷慨，粵中山水天下奇。華髮故人餘我在，蛇風蜃雨不可住。歸日踟躕臺嶺路，白壁仍餘楚

卞貞黃金那受陀王誤。君不見周郎墓前宿草長。飄零萬卷空斜陽。我今與子何以當。舉頭月落天蒼茫。人生百年哀樂多。男兒意氣死不磨。有酒當飲歌當歌。其若城頭畫角何。潮雞一聲洮湖白。送子東歸我猶客。投金瀨上遇王郎。爲道故人不。如昔。

大沙邨何相公廟行追和杭堇浦先生作寄馮潛齋祠部  
相公名卓。南海大沙邨人。有神勇。明黃蕭養之亂。沿江焚劫。相公率壯士邀擊。賊矢蝟集。公搏矢反射。皆應弦倒。賊偵公好畜懸鵠。僞遁去。使善射者伏叢薄中。鳴鏑學鵠。哨公仰聽。中鏃墮河死。屍逆流上。香氣遠聞。邨人收瘞之。祀於廟。

南海勇士何相公。大沙邨倚爲長埔。甘蠅飛衛技奇妙。神力能挽六鈞弓。平生愛畜懸鵠。脆聲清絕穿秋穹。鸛鷺藏斧梟徒起。焚

掠欲踞南越宮相公挺身提弓出虎頭三百銜刀從賊矢紛紛如雨集力能返射弦不空手揮八萬陀羅臂如雷掣火如彪風貫顙穿胷各顛仆巨憝自蹈輿尸凶誰生奸謀伏叢薄偽作哨響相欺蒙情哉仰聽忽不備流矢迅及際波中英雄墮計亦天數非關敗衄糜其躬怒屍逆流酬潮上鯨鼉夾擁江青紅鬣張牙礮猶啣賊國殲毅魄新鬼雄那須沈檀雕蔓子萬縷出骨香濛濛刼官殺將若兒戲大帥誰敢當其衝天狼星墜雄虺殪此戰挫銳甯非功冠平肉食盡封拜羞爲請卹酬丹衷邨民裹錦築馬鬣叢祠重於朝廷封男兒生不能佩徹侯印卽當廟食垂無窮嗚乎卽當廟食垂無窮

李雨邨吏部典試粵東歸過嶺上餞別二首

相公松下駐禱帷南斗文星彩漸離大海珊瑚收鐵網中秋佛鏡

在峨眉

蜀人

風簷十載驚心處，樺燭三條入夢時。歸以人材報

天子，陸生何用載花隨。

圖南此地有鯤鵬，一脈文章氣振興。簸弄明珠新吏部，親傳衣鉢

大中丞。

雨師爲今大中丞定

江邊舊句曾勞和。

有和余峽

海上雄

篇孰駕凌驛吏，早梅剛待折。別筵先自翦銀燈。

華容周明府克遵攝南澳司馬象索詩贈行

四澳懸閩嶼，羣峯鬱煥寒。洲鹽龍戶集，海舶馬人蟠。鎖鑰垂南盡，  
星辰向北看。茫茫九州外，今日尙王官。

送三十弟漢文赴軍營訊醴泉姪

汝訪阿戎去，休辭蜀道難。六師近深入，萬馬報平安。夢逐繩橋急，  
天穿雪嶺寒。防身有長劍，亦可斬樓蘭。

得醴泉姪軍營消息

先是聞姪殉天生橋之難後閱抄知爲南康太守張世  
祿祿與淦同故有訛信

書生不愛死已感戰場人近得邊關信猶存報一  
國身摧鋒新勁旅仗鉞舊親臣老去思功績燈花報喜頻

聞壽張逆賊就平喜賦四首

戾氣方隅結寢區憤血盈百年皆食踐殘日敢潛萌困乏連雞抗  
狂思駭獸爭吾

皇赫斯怒一舉掃欃槍

丞相專征日

王師疾捲時毋過同蛄蚋豈足費熊羆甲洗天河下弓鳴海日馳  
泰山青弟子端冕拜旌旗

毒焰天誅快腥灰地染羞敢言焚寶玉何足辱戈矛近報西南徼

將軍一戰收蘄街二十載只挂月支頭

狼藉梟民恥貪饕子女姿游魂吾不貸脇從爾何爲玉石能無辨  
冰霜自有奇九重

恩屢下嗟息問瘡痍

家杜注聞臨清婦女畏賊辱多相節赴水死故首聯及之

### 金夫人曲

宋公主投海死人義之鑄黃金爲身以葬曰金夫人墳  
今在新安縣海畔

萬古精衛骨蛟龍不敢吞黃金是何物也爲鑄天孫

### 羊城晤絃叢章生

嶺帆欲挂水生波醉倚何戡一曲歌猶有長安故人淚西風彈向  
別離多

### 沈生索詩送之大理幕

點蒼山前三埡寺炎風六月雪霏霏蟠天洱海一千里裂石長松  
二百圍如子有才依幕府閒時載酒問斜暉段家宮闕盡荒草莫  
令白露沾人衣

紅豆詩六首

紅豆自右丞始見於詩古來詩賦者無聞羊城人士拈  
爲課題賦者頗衆王鑑溪巖曹索余作勉應之徵用詩  
詞纖豔已涉香奩如王弇洲所云聊備詠物一體耳余  
有騎省之悼故末首及之乾隆癸巳孟春

牡礪潮垂夾岸叢火禽飛坼海天紅蠻娘過雨香收屐蠶老堆霞  
濕滿籠赤石有糧分太乙丹砂無粒伴仙宮誰知金匱藏龍腦曾  
入當年漢殿中

本是同心花並頭年年結向夕陽樓江南只愛栽蓮子海上何曾



種若欄賦入詞人休惹恨歌傳兒女也工愁從來微物關情少怪

底稀含壯未收樂府王金珠歡間變歌南有相思木合影復同心

海航珠樹事空奇小果炎鄉品亦宜春雨種來甯有淚秋風買斷

只相思羞同豆蔻熏香澤懶伴芙蓉屑面脂相約祝融祠下拜釵

梁颿作一枝垂唐時日林國進大紅豆樹實結名詰多珠

淵客休誇織室珠石家枉鬪碎珊瑚屏間記曲循聲躍花底藏鉤

映手酥玉合分明拈不定茜裙走入覓疑無東禪連理叢何在好

乞崑山處士圖吳中東禪寺有連理紅豆樹明崑山處士王武仲作折枝紅豆圖

凝朱銜墨瑩如膠香角針頭瑣細交擲當金錢翻袖覓寄和錦字

背燈包背令鸚鵡頻偷啄莫打流鶯又戲拋說與無聊作清課粧

樓長合付娥媼

嶺頭延佇碧雲深二月梢頭直到今南國一聲歌客淚西風萬點

美人心鷓鴣啼樹休催別倒挂收香不可尋舊日羅囊拋擲盡當  
筵愁對鳳皇簪

闕題

家批案當是始興  
署中詠畫梅詩

萼不必籬落輕煙夢不必松林澹月梅花長抱歲寒心鐵石肝腸  
自怡悅由來官閣清吟處定有繁英伴深雪使君堂前寫數株槎  
枒老幹虬根紆瓊瑤踏碎豹斑靜寒風不襲貂襜褕巡簷攀幹相  
迎笑紅闌干曲癰仙扶冰肌玉骨都如此吏懷照徹無溟滓一聲  
翠羽何處來古香流作瀟湘水徐熙品格黃筌姿飛入藤箋三尺  
裏公家事了合看花墨枕詩囊映碧紗瑤華拘得將誰贈素心知  
隔天之涯

如泰

沃

男姪

聲有晉孫啓

豐

校字

裕幹

光